



SIARAN AKHBAR

MEMORANDUM PERSEFAHAMAN ANTARA UNIT PERISIKAN KEWANGAN, BRUNEI DARUSSALAM CENTRAL BANK DAN AUSTRALIAN TRANSACTION REPORTS AND ANALYSIS CENTRE

1. Unit Perisikan Kewangan, Brunei Darussalam Central Bank (UPK, BDCB) telah menandatangani Memorandum Persefahaman dengan Australian Transaction Reports and Analysis Centre (AUSTRAC) di Singapura pada hari Selasa, 14 Februari 2023.
2. Di bawah Memorandum Persefahaman tersebut, kedua-dua agensi bersetuju untuk bekerjasama dalam pertukaran maklumat perisikan kewangan yang akan membantu dalam siasatan dan pendakwaan pembersihan wang haram dan pembiayaan penganasan. Penandatanganan Memorandum Persefahaman ini menandakan komitmen yang kukuh di antara kedua-dua agensi dalam membanteras aktiviti pembersihan wang haram dan pembiayaan penganasan, serta jenayah-jenayah berat yang lain.
3. Sebelum penandatanganan Memorandum Persefahaman ini, UPK, BDCB dan AUSTRAC telah bekerjasama dalam projek-projek lain antaranya yang berkaitan dengan program *analyst hubbing* dan inisiatif pembinaan kapasiti. Negara Brunei Darussalam mengalu-alukan Memorandum Persefahaman ini sebagai pencapaian di dalam bidang kerjasama UPK, BDCB dan AUSTRAC.
4. Memorandum Persefahaman ini merupakan Memorandum Persefahaman kelapan yang telah ditandatangani oleh UPK, BDCB. Memorandum Persefahaman yang telah ditandatangani sebelum ini adalah dengan Unit-unit Perisikan Kewangan Malaysia, Indonesia, Korea Selatan, Bangladesh, Kemboja, Singapura, Laos dan Republik Filipina.
5. Penandatanganan Memorandum Persefahaman bersama Unit-unit Perisikan Kewangan lain adalah selaras dengan prinsip pertukaran maklumat Egmont Group, iaitu sebuah organisasi global yang merangkumi Unit-unit Perisikan Kewangan antarabangsa.
6. Selain itu, penandatanganan Memorandum Persefahaman ini juga adalah salah satu langkah dalam melaksanakan pematuhan terhadap piawaian antarabangsa berhubungkait membanteras aktiviti pembersihan wang haram dan pembiayaan penganasan, khususnya Financial Action Task Force, Recommendation 29.
7. UPK, BDCB dan AUSTRAC, masing-masing, merupakan agensi pusat di Negara Brunei Darussalam dan Australia untuk menerima, memohon, menganalisa dan mengongsikan perisikan kewangan dan maklumat lain berkaitan pembersihan wang haram dan pembiayaan penganasan.

Brunei Darussalam Central Bank

Ruj: BDCB/COMMS/3

Tarikh: 9 Sya'ban 1444/ 2 Mac 2023